

V. 253
LETTRE

DEMONSIEVR

LE PRINCE DE

Pié-mont.

[A la Royne mere.]



A PARIS,

Par Pierre Froment.


M. DC. XIX.

[Avec privilege du Roy.]

*8 pp
coll
m d*

LETTRE
DE MONSIEUR
LE PRINCE DE

M. le Prince de



A PARIS
Par Pierre Froment.

M. DC. XIX.

Aux presses de la Roy.



LETTRE DE MONSIEVR LE Prince de Pié-mont,

A la Royne mere.

MADAME,

C'estoit avec vn extreme contentemēt
que ie me dispoisois d'accompagner le
Roy mon Seigneur, au voyage qu'il a-
uoit deliberé de faire à Blois, pour visi-
ter vostre Majesté; parce que i'esperois
auoir le bien de vous y rendre mes de-
voirs, & me promettois que l'entre-
ueuë de vos Majestez restablissant vne
parfaicte vnion entr'elles, comme l'on
en remarquoit icy toutes sortes de bon-
nes dispositions, l'aurois plus de moyen

De tesmoigner par mes submissions & par mon obeïssance, combien ie cheris l'honneur de leur estre allié. Mais d'autant plus que ie me rejouyssois en l'attente de ce bon-heur, d'autant plus vivement ay-je resenty le desplaisir de m'en voir esloigné par le subit & inopiné partement de vostre Majesté: Et ce qui m'a encores davantage touché, Madame, a esté de voir par les lettres de vostre Majesté qu'elle a pris occasion de se retirer de Blois, croyant qu'elle n'y estoit pas en seureté, & qu'elle ne pouvoit librement faire entendre au Roy les desordres qu'on vous a figurez estre dans son Estat. Ce que i'ay estimé estre procedé, non de la pure volonté de vostre Majesté, qui a le iugement & le naturel trop excellens, ains de l'artifice de quelques-vns, qui voyans vos Majestez sur le point de s'vnir estroittemēt, vous ont voulu donner ces impressions, en esperance de profiter de vostre desvniō, & du trouble qu'ils ont peut estre estimé qu'elle apporteroit à cet Estat. Car il est tres-certain, & ie puis l'asser-

mer, pour l'auoir bien recogneu, qu'il n'y auoit sorte de liberté que vostre Majesté n'eust à Blois, & qu'il ne se pouuoit non plus adiouster aux tendres sentimens, & à la veritable affection que le Roy a pour elle, qu'à la conduite de ses actions priuees & publiques, qui toutes respondent à la reputation tres-grande qu'il s'est acquise, & à l'estime que l'on fait par tout de sa vertu & generosité. Dont outre les effects que toute la Chrestienté en a resenty, i'en remarque tous les iours des preuues manifestes, le voyant agir dans son Conseil au milieu des anciens Ministres & Conseillers du feu Roy son pere, avec vn iugement si solide, vne iustice si exacte, & vne resolution si ferme & si courageuse, qu'il n'y a personne qui le considerât sans passion, n'ayt sujet de l'admirer & de croire que DIEU ne la point doiüe de tant d'excellentes parties, qu'il ne vueille benir son regne, & esleuer sa gloire par dessus celle de ses ancestres. La profession que i'ay tousiours faicte d'aymer la verité, l'obligation que i'ay

de publier celle-cy qui m'est si cogneuë,
 & mon regret extresme de voir le labi-
 rinthe où ceux qui la vous desguisent
 en la sorte, veulent jeter vostre Maje-
 sté, me dispenseront, s'il vous plaist,
 Madame, si ie vous en parle si libremēt,
 & si ie vous supplie comme ie fais avec
 toute humilitez de vouloir bannir de
 vostre pensee, tout ce qu'elle pourroit
 auoir cōceu au preiudice de la sincerité
 des intentions du Roy & de sa prudente
 conduite : M'assurant que quand il
 plaira à vostre Majesté de s'en esclaircir
 par des voyes non suspectes, elle y trou-
 uera toutes sortes de satisfactions, puis
 que comme bonne & sage mere, elle ne
 peut auoir autre plus grand desir que de
 voir prosperer les affaires du Roy son
 Fils, & viure en parfaicte amitié avec
 luy. Ie le recognois grandement irrité
 contre ceux qu'il estime y vouloir sous
 vostre nom, apporter de l'alteration, &
 le vois en estat de courir puissamment
 sur eux. C'est à vostre prudence, Ma-
 dame, de preuenir l'infinité de maux
 qui en pourroient arriuer, & ne point

permettre qu'à vostre occasion, & sous
 pretexte de procurer vn ordre à l'Estat,
 vous y voyez regner la confusion & les
 desordres qui suiuent ordinairement les
 guerres ciuilles. D I E U, la nature, vo-
 stre propre bien & toutes sortes de con-
 siderations vous y obligent, & ie m'as-
 seure, tant de la bonté, de vostre na-
 turel, que vostre Majesté s'y portera en-
 tierement. La maison de Sauoye, &
 moy par dessus tous, sommes tellement
 redeuables au Roy, que si pour conser-
 uer son autorité, ranger à la raison les
 ennemis du repos, & de la grandeur de
 ceste Couronne, & redonner à vostre
 Maiesté la liberté qu'on luy a ostee
 en la retirant de Blois, il est contraint à
 la guerre, nous y porterons librement
 nos vies, nos biens, & tout ce qui des-
 pendra de nous, afin de tesmoigner aux
 yeux d'vn chacun que nous ne sommes
 point ingrats des faueurs nonpareil-
 les qu'il luy a pleu nous departir. Priant
 sur ce D I E U qu'il veuille longuement
 conseruer vostre Maiesté en santé, &
 me donner le moyen de meriter par

mes deuoirs & par mes seruices, la qua-
lité de


MADAME,

*Vostre tres-humble & tres-
obeyssant seruiteur,*

V. AMEDEV.

De Paris ce 12.

Mars 1619.



Digitized by the Internet Archive
in 2010 with funding from
University of Ottawa

